

ხელშეკრულება #60-7-223-132

ქ. თბილისი

22.03.2023 წ.

I. მხარეები

წინამდებარე ხელშეკრულება დადებულია 2023 წლის 22 მარტს ერთი მხრივ სს „საქართველოს სახელმწიფო ელექტროსისტემა“ (შემდგომში „შემსყიდველი“), წარმოდგენილი მისი დირექტორის შესყიდვებისა და ლოგისტიკის საკითხებში, დირექტორთა საბჭოს წევრის გიორგი გელაშვილის (მინდობილობა #221356227) სახით და მეორეს მხრივ შპს "გლობუსი ემ-ბე"-ს (შემდგომში-„მიმწოდებელი“) შორის, წარმოდგენილი დირექტორის მაყვალა ბეშიძის სახით, რომლებიც მოქმედებენ საზოგადოების წესდებისა და მოქმედი კანონმდებლობის საფუძველზე.

II. ხელშეკრულების საგანი

2.1 “მიმწოდებელი” ვალდებულია “შემსყიდველს” მიაწოდოს დროშები დანართი #1-ის (ფასების ცხრილი) შესაბამისად. **CPV კოდი - 35800000.**

2.2 დანართი #1 წარმოადგენს წინამდებარე ხელშეკრულების განუყოფელ ნაწილს.

2.3 შავი ზღვის წყალქვეშა კაბელის პროექტის მინისტერიალის ფარგლებში დროშების შესყიდვაზე წინამდებარე ხელშეკრულება დაიდო სახელმწიფო შესყიდვის შესახებ საქართველოს კანონის 10¹ მე-3 პუნქტის ვ) ქვეპუნქტის შესაბამისად.

III. საქონლის ღირებულება და ანგარიშსწორების პირობები

3.1 საქონლის საერთო ღირებულება განსაზღვრულია წინამდებარე ხელშეკრულების დანართი #1-ის შესაბამისად და შეადგენს **240(ორასორმოცი)** ლარს დღგ-ს ჩათვლით (შემდგომში “ხელშეკრულების ღირებულება”), ხელშეკრულების ღირებულება მოიცავს ყველა ხარჯს მათ შორის ტრანსპორტირების ხარჯებს შემსყიდველის მისამართამდე ქ. თბილისი, ბარათაშვილის ქ #2, სსე-ს სათაო ოფისი.

3.2 ანგარიშსწორება განხორციელდება სრულად მიწოდებულ საქონელზე ან/და საქონლის მიწოდების დასრულებისას ფაქტობრივად მიწოდებულ საქონელზე საბოლოო მიღება-ჩაბარების აქტის გაფორმებისა და ანაზღაურებისათვის საგადასახადო ანგარიშფაქტურის წარმოდგენის შემდეგ არაუგვიანეს 5 (ხუთი) სამუშაო დღის განმავლობაში;

3.3 საქონლის ღირებულების ანაზღაურება ხორციელდება უნაღდო ანგარიშსწორების ფორმით ლარებში.

IV. მხარეთა უფლება-მოვალეობები

4.1 “მიმწოდებელი” მოვალეა:

4.1.1 საქონლის მიწოდება განხორციელოს ხელშეკრულების გაფორმებიდან 3(სამი) სამუშაო დღეში. საქონლის მიწოდება უნდა განხორციელდეს სამუშაო საათებში - 09:00 - 18:00 სთ.

4.1.2 გადასცეს “შემსყიდველს” ნივთობრივი და უფლებრივი ნაკლისაგან თავისუფალი საქონელი შემსყიდველის მისამართზე: ქ. თბილისი, ბარათაშვილის ქ #2, სსე-ს სათაო ოფისი.

4.2 “შემსყიდველი” მოვალეა:

4.2.1 ხელშეკრულებით გათვალისწინებული პირობების თანახმად გადაიხადოს მიწოდებული საქონლის ღირებულება;

4.2.2 შეამოწმოს საქონლის მდგომარეობა ვარგისიანობაზე;

4.2.3 წერილობით შეატყობინოს “მიმწოდებელს” მიღების დროს საქონელზე შემჩნეული ნაკლის აღმოჩენის თანავე.

V. მხარეთა პასუხისმგებლობა

5.1 „მიმწოდებლის“ მიზეზით საქონლის დაგვიანებით, არასრულად, ხარვეზით ან საერთოდ არ მიწოდების შემთხვევაში, „მიმწოდებელი“ მოვალეა გადაიხადოს პირგასამტეხლო მოუწოდებელი საქონლის ღირებულების 0,1%-ის ოდენობით, ყოველ ვადა გადაცილებულ დღეზე, ხარისხიანი საქონლის სრულად მიწოდების დღემდე ან ხელშეკრულების შეწყვეტის დღემდე, რომელი ვადაც უფრო ადრე დადგება.

5.2 „მიმწოდებელი“ ვალდებულია ხელშეკრულების შეუსრულებლობისთვის გადაიხადოს პირგასამტეხლო ხელშეკრულების ღირებულების 5 % -ის ოდენობით.

5.3 შემსყიდველის“ მიერ ხელშეკრულებით გათვალისწინებული საქონლის ღირებულების ვადაგადაცილებით (არადროულად) გადახდის შემთხვევაში, „მიმწოდებელი“ უფლებამოსილია მოსთხოვოს „შემსყიდველს“ პირგასამტეხლოს გადახდა გადაუხდელი თანხის 0.1% ოდენობით ყოველვადაგადაცილებულ დღეზე წინამდებარე ხელშეკრულების შეწყვეტამდე, ან თანხის სრულად გადახდამდე, რომელი ვადაც უფრო ადრე დადგება.

5.4 ხელშეკრულებით გათვალისწინებული ვალდებულებების ცალმხრივად შეუსრულებლობისათვის მხარეებს ეკისრებათ ვალდებულება აანაზღაურონ იყენებული ზარალი სრული კანონმდებლობით დადგენილი წესით.

ზარალის ანაზღაურება ან მისი მოთხოვნა არაჩერებს ამ მუხლით გათვალისწინებულ პირგასამტეხლოს დარიცხვას.

5.5 „შემსყიდველი“ უფლებამოსილია ფაქტიურად მიწოდებული საქონლის ღირებულების ან აზღაურებისას გამოქვითოს (შეამციროს ანაზღაურება) ამ მუხლით გათვალისწინებული და „მიმწოდებელზე“ დარიცხული პირგასამტეხლოს თანხა „მიმწოდებლისათვის“ გადასახდელი თანხის ოდენობიდან. აღნიშნული გამოქვითვა არ შეიძლება გახდეს „მიმწოდებლის“ მხრიდან „შემსყიდველისათვის“ 5.3 პუნქტით გათვალისწინებული პირგასამტეხლოს დარიცხვის საფუძველი.

VI. ხელშეკრულების შესრულების კონტროლი/ინსპექტირება

6.1 „შემსყიდველს“ ან მის წარმომადგენელს უფლება აქვს ხელშეკრულების შესრულების ნებისმიერ ეტაპზე განახორციელოს კონტროლი/ინსპექტირება „მიმწოდებლის“ მიერ ნაკისრი ვალდებულებების შესრულებაზე.

6.2 „მიმწოდებელი“ ვალდებულია საკუთარი ხარჯებით უზრუნველყოს კონტროლის/ინსპექტირების შედეგად გამოვლენილი ყველა დეფექტის ან ნაკლის აღმოფხვრა.

6.3 „შემსყიდველის“ მხრიდან ხელშეკრულების შესრულებაზე კონტროლს/ინსპექტირებას ახორციელებს სს „საქართველოს სახელმწიფო ელექტროსისტემის“ საზოგადოებასთან ურთიერთობის სამსახურის უფროსი ეკატერინე ვერულაშვილი.

6.4 კონტროლი/ინსპექტირება განხორციელდება მიწოდებული საქონლის ხარისხისა და მიწოდების ვადების შესაბამისობით ხელშეკრულების პირობებთან.

6.5 საქონლის მიწოდებისას „შემსყიდველის“ მიერ წინამდებარე ხელშეკრულების 6.3 ქვეპუნქტით განსაზღვრული პირი ამოწმებს მიწოდებული საქონლის შესაბამისობას წინამდებარე ხელშეკრულების პირობებთან და აფორმებს შესაბამის ინსპექტირების აქტს, ფაქტობრივად მიღებული საქონლის მიხედვით.

VII ფორს-მაჟორი

7.1 ხელშეკრულების პირობების ან რომელიმე მათგანის მოქმედების შეჩერება ფორს-მაჟორული გარემოებების დადგომის გამო არ იქნება განხილული როგორც ხელშეკრულების პირობების შეუსრულებლობა ან დარღვევა და არ გამოიწვევს საჯარიმო სანქციების გამოყენებას.

7.2 ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაუღალავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული მათ შეცდომებსა და დაუდევრობასთან და რომლებსაც გააჩნიათ წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნას ომით ან სტიქიური მოვლენებით, ეპიდემიით, კარანტინით, ემბარგოს დაწესებით და სხვა, ფორს-მაჟორის არსებობის საკმარის დამადასტურებელ ცნობად მხარეები განიხილავენ შესაბამისი ქვეყნის სავაჭრო-სამრეწველო პალატის მიერ გაცემულ სათანადო ცნობას.

7.3 ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობისა და მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამონახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელნი იქნებიან ფორს-მაჟორული გარემოებების ზეგავლენისაგან.

VIII ურთიერთობა მხარეებს შორის

8.1 ნებისმიერი ოფიციალური ურთიერთობა ხელშეკრულების დამდებ მხარეებს შორის უნდა ატარებდეს წერილობით ფორმას. წერილობითი შეტყობინება, რომელსაც ერთი მხარე ხელშეკრულების შესაბამისად უგზავნის მეორე მხარეს, იგზავნება საფოსტო გზავნილის სახით, რომელიც ხელმოწერილი უნდა იყოს ხელმძღვანელობაზე ან /და წარმომადგენლობაზე უფლებამოსილი პირის მიერ. ოპერატიული კავშირის დამყარების მიზნით დასაშვებია შეტყობინების მეორე მხარისათვის მიწოდება ელ. ფოსტით (წერილის სკანირებული ვარიანტი) ან ფაქსის გაგზავნის გზით, შემდგომში ორიგინალის მიწოდების პირობით.

8.2 შეტყობინება შედის ძალაში ადრესატის მიერ მისი მიღების დღეს ან შეტყობინების ძალაში შესვლის დადგენილ დღეს, იმის მიხედვით, თუ ამ თარიღებიდან რომელი უფრო გვიან დგება.

IX ხელშეკრულების პირობების შეცვლა და/ან ვადამდე მოშლა

9.1 ამ ხელშეკრულებაში ნებისმიერი ცვლილება და/ან დამატება შეიძლება შეტანილი იქნეს მხარეთა წერილობითი შეთანხმების საფუძველზე.

9.2 ხელშეკრულება შეიძლება ვადამდე მოიშალოს:

9.2.1 მხარეთა შეთანხმებით;

9.2.2. ერთ-ერთი მხარის განცხადებით მეორე მხარის მიერ ხელშეკრულებით გათვალისწინებული პირობების არსებითად დარღვევის შემთხვევაში;

9.3 “შემსყიდველს” შეუძლია ხელშეკრულება ვადამდე შეწყვიტოს:

9.3.1 თუ “შემსყიდველისათვის” ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;

9.3.2 “მიმწოდებლის” გაკოტრების შემთხვევაში;

9.3.3 თუ მისთვის ცნობილი გახდება, რომ “მიმწოდებლის” მიერ მოწოდებული ინფორმაცია ყალბი აღმოჩნდება, რაც წარმოადგენს შემსყიდველის მხრიდან მიმწოდებლის მიმართ ნდობის დაკარგვის საფუძველს.

9.3.4 საქართველოს კანონმდებლობით გათვალისწინებულ სხვა შემთხვევებში.

9.4 ამ მუხლის 9.3 პუნქტში მითითებულ შემთხვევებში “შემსყიდველი” ვალდებულია აუნაზღაუროს “მიმწოდებელს” ფაქტიურად მიწოდებული საქონლის ღირებულება.

9.5 სახელმწიფო შესყიდვის შესახებ ხელშეკრულების პირობების შეცვლა დაუშვებელია, თუ ამ ცვლილების შედეგად იზრდება ხელშეკრულების საერთო ღირებულება ან უარესდება ხელშეკრულების პირობები შემსყიდველი ორგანიზაციისათვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევისა. ამასთან, ასეთ შემთხვევაშიც დაუშვებელია ხელშეკრულების ჯამური ღირებულების 10%-ზე მეტი ოდენობით გაზრდა.

X. ხელშეკრულების შესრულების შეფერხება

10.1 თუ ხელშეკრულების შესრულების პროცესში მხარეები წააწყდებიან რაიმე ხელშემშლელ გარემოებებს, რომელთა გამო ფერხდება ხელშეკრულების პირობების შესრულება, ამ მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ. შეტყობინების მიმღებმა მხარემ რაც შეიძლება მოკლე დროში უნდა აცნობოს მეორე მხარეს თავისი გადაწყვეტილება, მიღებული აღნიშნულ გარემოებებთან დაკავშირებით.

10.2 იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს ხელშეკრულებაში ცვლილების შეტანის გზით.

XI. დავათა განხილვა

11.1 ხელშეკრულების დამდები მხარეები თანხმდებიან მასზედ, რომ ყველა ღონეს იხმარენ, რათა მოლაპარაკებების მეშვეობით, შეთანხმებით მოაგვარონ ნებისმიერი უთანხმოება და დავა, წარმოქმნილი მათ შორის ხელშეკრულების ან მასთან დაკავშირებული საკითხების ირგვლივ.

11.2 თუ ასეთი მოლაპარაკების დაწყებიდან 30 (ოცდაათი) კალენდარული დღის განმავლობაში მხარეები ვერ შესძლებენ სადაო საკითხების შეთანხმებას, ნებისმიერ მხრეს დავის გადაწყვეტის მიზნით შეუძლია დადგენილი წესით მიმართოს სასამართლოს.

XII. შესყიდვის ობიექტის მიღება-ჩაბარების წესი

12.1 მიღება-ჩაბარების აქტი ფორმდება დადებითი ინსპექტირების აქტის საფუძველზე, საბოლოოდ, სრულად ან/და მიწოდების დასრულებისას ფაქტობრივად მიწოდებული საქონლის შესაბამისად.

12.2 საქონელი მიღებულად ჩაითვლება მხარეთა შორის მიღება-ჩაბარების აქტის გაფორმებისთანავე. მიღება-ჩაბარების გაფორმების შემდგომ პასუხისმგებლობა საქონელზე გადადის შემსყიდველზე.

12.3 “შემსყიდველის მხრიდან მიღება-ჩაბარების აქტზე ხელმოწერი უფლებამოსილი პირი არის სს “სსე”-ს შესაბამისი სამსახურის უფროსი.

XIII. ხელშეკრულების მოქმედების ვადები

13.1 ხელშეკრულება ძალაში შედის ორივე მხარის მიერ ხელმოწერისთანავე და მოქმედებს მხარეებს შორის ხელშეკრულებით გათვალისწინებული პირობების შესრულებამდე, მაგრამ არაუგვიანეს **2023 წლის 30 ივნისის ჩათვლით**.

XIV. ხელშეკრულების სხვა პირობები

14.1 ხელშეკრულება შედგენილია ქართულ ენაზე.

14.2 ამ ხელშეკრულებით გაუთვალისწინებელ შემთხვევებში, მხარეები მოქმედებენ საქართველოში მოქმედი კანონმდებლობისთანხმად.

14.3 წინამდებარე ხელშეკრულებით გათვალისწინებული პირობები შესასრულებლად სავალდებულოა მხარეთათვის და მათი შესაბამისი სამართალმემკვიდრეებისა და უფლებამონაცვლეთათვის. დაუშვებელია წინამდებარე ხელშეკრულებით გათვალისწინებული ვალდებულებების გადაცემა სხვა მხარისათვის მეორე მხარის წინასწარი წერილობითი თანხმობის გარეშე.

XV. კონფიდენციალურობა და გაუმჟღავნებლობა

15.1 მხარეები აცნობიერებენ, რომ სს „საქართველოს სახელმწიფო ელექტროსისტემაში“ დანერგილია ინფორმაციული უსაფრთხოების მართვის სისტემა ISO/IEC 27001 მიხედვით და შესაბამისად, შემდგომ ურთიერთობებში ითვალისწინებენ „სს „საქართველოს სახელმწიფო ელექტროსისტემის“ კონფიდენციალურობისა და გაუმჟღავნებლობის პირობებს“, რომელიც გამოქვეყნებულია ვებ-გვერდზე www.gse.com.ge (ჩვენს შესახებ / შესყიდვები / კონტრაქტის პირობები).

XVI. მხარეთა რეკვიზიტები

„შემსყიდველი“:

სს „საქართველოს სახელმწიფო
ელექტროსისტემა“
ქ. თბილისი, ბარათაშვილის ქ. 2
საიდ. კოდი: 204995176
სს „თი ბი სი ბანკი“
ბანკის კოდი: TBCBGE 22
ა/ა # GE02TB0600000102467636

გიორგი გელაშვილი
დირექტორი შესყიდვებისა და ლოგისტიკის
საკითხებში, დირექტორთა საბჭოს წევრი

„მიმწოდებელი“:

შპს "გლობუსი ემ-ბე"
ტელ: 2 517 518, 598 52 00 56
ქ.თბილისი, დიდმის მას. მე18კორპ.მე6კვ.
ს/კ 202446969
სს „საქართველოს ბანკი“
ბანკის კოდი: BAGAGE22
ა/ა # GE72BG0000000193217500

მაცვალა ბეშიძე
დირექტორი

დანართი #1
ფასთა ცხრილი

#	საქონლის დასახელება	ტექნიკური მახასიათებლები	განზომილების ერთეული	რაოდენობა	ერთეულის ფასი დღგ-ს ჩათვლით (ლარი)	საერთო ფასი დღგ-ს ჩათვლით (ლარი)
1	სამაგიდე დროშა	დროშა დამზადებული უნდა იყოს შავი ზღვის წყალქვეშა კაბელის პროექტის ლოგოთი; ზომა: 15/23სმ; მასალა: მაღალი ხარისხის ორმხრივი ბეჭდვის ატლასი თავსებადი დროშის სადგამთან.	ცალი	4	15	60
2	შიდა გამოყენების 2-მხრივი ატლასის დროშა	დროშა დამზადებული უნდა იყოს შავი ზღვის წყალქვეშა კაბელის პროექტის ლოგოთი; ზომა 1მX1,5მ-ზე, ოქროსფერი ფოჩებით (მზა ფოჩების სიგრძე 4სმ). დროშა დამზადებული უნდა იყოს შიდა გამოყენების რკინის სადროშესთან თავსებადობით. სადროშის რკინის კაუჭებზე დასამაგრებლად ორივე (ზედა და ქვედა) მხარეს მიკერებული უნდა ჰქონდეს 2-2 ნაწილიანი ლენტი თანდართული ნიმუშის შესაბამისად, ლენტის თითოეული ნაწილის სიგრძეა 20 სმ.	ცალი	1	180	180
საერთო ღირებულება დღგ-ს ჩათვლით						240



ხელშეკრულების ღირებულება შეადგენს 240(ორასორმოცი) ლარს დღგ-ს ჩათვლით. ხელშეკრულების ღირებულება მოიცავს ყველა ხარჯს მათ შორის ტრანსპორტირების ხარჯებს შემსყიდველის მისამართამდე ქ. თბილისი, ბარათაშვილის ქ #2, სსე-ს სათაო ოფისი.

შენიშვნა: ფასების ცხრილს თან ერთვის შავი ზღვის წყალქვეშა კაბელის პროექტის ლოგო-1გვერდი.

„შემსყიდველი“
სს „საქართველოს სახელმწიფო ელექტროსისტემა“
გიორგი გელაშვილი
დირექტორის შესყიდვებისა და ლოგისტიკის საკითხებში,
დირექტორთა საბჭოს წევრი

„მიმწოდებელი“
შპს "გლობუსი ემ-ბე"
მაცვალა ბემიძე
დირექტორი

შავი ზღვის წყალქვეშა კაბელის პროექტის ლოგო

